

Absolbitu egin dituzte Martinez eta Ereño, bideoan azaltzen direnak eurak ez direla ondorioztatuta

AIARALDEA.EUS :: 12/05/2017

Urtebeteko kartzela zigorra eta 2.520 euroko isuna eskatzen zioten bakoitzari, pintaketa batzuekin terrorismoa goratzea egotzita.

Iragan asteko asteartean izan zuten epaiketa Madrilen. Bi gazteek atzo izan zuten absoluzioaren berri, baina gaur arte ez dute sententzia ikusterik izan. Bihar bilduko da Beñat eta Aitor babesteko sortutako herri plataforma, epaiaren gaineko balorazio bat egiteko.

Bideoa

Sententziak adierazten du epaiketan aurkeztu diren probek ez dutela balio bi gazteak kondenatzeko. Epaiketan proiektatu zen bideoan pintadak egiten azaltzen diren bi pertsonak Beñat eta Aitor ez direla ondorioztatzen du sententziak. “Bideoko kideen eta akusatuen arteko altuera eta fisionomia ezberdintasunak” agerikoak direla nabarmentzen du epaiak.

Hortaz gain, Aitor ezkertiarra zela aitortzen du sententziak, pintadak eskumako eskuarekin marraztuak zeuden bitartean. Horregatik absolbitu dituzte bi gazte audioarrak, “pintadak eurek egin zituztela adierazteko frogarik ez dagoelako”.

<http://aiaraldea.eus/audio/1494511105629>

<https://eh.lahaine.org/absolbitu-egin-dituzte-martinez-eta>